

Broj: 101- 17316/22 DžS *BS*,
Zenica, 15.12.2022. godine

Na osnovu člana 69., stav 2., tačka (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-17314-1/22 DžS od 15.12.2022. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku

I

Poništava se postupak javne nabavke za nabavku vodovodnog materijala za redovno održavanje, LOT 1 - pocinčanih fittinga i kuglastih ventila iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d) Zakona o javnim nabavkama.

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-15510/22 BS od 09.11.2022. godine, kao i Odlukom o izmjeni Odluke o pokretanju postupka, broj: 101-16273/22 BS od 23.11.2022. godine. Javna nabavka je provedena putem otvorenog postupka bez zaključivanja okvirnog sporazuma.

Dana 10.11.2022.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-492-3-101/22 objavljena je i tenderska dokumentacija.

Poziv za preuzimanje tenderske dokumentacije broj: 406-15510-2/22 BS od 10.11.2022. godine upućen je sljedećim ponuđačima:

1. VODOSKOK d.o.o. Tomislavgrad
2. HTC d.o.o. Sarajevo
3. TOPLOTA d.o.o. Zenica

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 14.12.2022. godine u 14:53 sati.

Rok za dostavljanje ponuda je bio 01.12.2022. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. ALMY d.o.o. Zenica
2. VODOSKOK d.o.o. Tomislavgrad
3. TOPLOTA d.o.o. Zenica

Komisija za nabavku imenovana je Odlukom broj: 101-9226/22 BS od 27.06.2022.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- ukupno 6 (šest) ponuđača je preuzelo Tendersku dokumentaciju i Ispravku tenderske dokumentacije sa Portala javnih nabavki.

Komisija za nabavku je dana 15.12.2022. godine direktoru preduzeća dostavila Zapisnik o ocjeni ponuda broj: 501-17314/22 DžS od 15.12.2022. godine sa preporukom o poništenju postupka.

Ponuđač TOPLOTA d.o.o. Zenica je za stavku 3 (ventil za red pritiska) ponudio ventil sa izlaznim pritiskom 5-6 bar (3/8" do 2") i 1,5-8 bar (2,5" do 4") što ne odgovara traženom ventilu sa izlaznim pritiskom 0,5-6 bar (1/2" do 3"). Iz gore navedenih razloga ponuda ponuđača TOPLOTA d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač VODOSKOK d.o.o. Tomislavgrad je za stavku 3 (ventil za red pritiska) ponudio ventil sa izlaznim pritiskom 1-5,5 bar (1/2", 3/4", 1") i 1-6 bar (5/4" do 4") što ne odgovara traženom ventilu sa izlaznim pritiskom 0,5 do 6 bar (1/2" do 3"). Iz gore navedenih razloga ponuda ponuđača VODOSKOK d.o.o. Tomislavgrad se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač ALMY d.o.o. Zenica je za stavku 3 (ventil za red pritiska) ponudio ventil sa izlaznim pritiskom 1-5,5 bar (1/2", 3/4", 1") i 1-6 bar (5/4" do 4") što ne odgovara traženom izlaznom pritisku 0,5 do 6 bar (1/2" do 3"). Za stavku 1.3 (kug.ventil DN25) ponuđač je ponudio ventil sa dužinom L=81 mm, što ne odgovara traženom ventilu L=73±1mm. Za stavke 1 i 2 ponuđač je dostavio izjavu o svojstvima proizvođača što nije u skladu sa TD u kojoj se navodi da ponuđač treba da dostavi važeći certifikat za kug.ventile kojim se potvrđuje da proizvod zadovoljava traženi standard EN1074, a koji je izdat od strane akreditovanog tijela objavljenog u bazi NANDO. Iz gore navedenih razloga ponuda ponuđača ALMY d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Uvidom u priloženu dokumentaciju otvorenog postupka broj: 406-16273-3/22 BS od 23.11.2022. godine – nabavka vodovodnog materijala za redovno održavanje, LOT 1 - Nabavka pocinčanih fittinga i kuglastih ventila, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena dostavljene ponude neprirodno niska.

Polazeći od navedenih konstatacija, a uzimajući u obzir da zaprimljene ponude nisu prihvatljive za ugovorni organ (član 68., stav (4), tačka (i) ZJN), Komisija za nabavku je dala preporuku da se predmetni postupak poništi u skladu sa članom 69., stav (2), tačka (d) Zakona o javnim nabavkama.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.



Direktor:


Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Pom.dir.za ekon.postl.
- 1 x Pom.dir.za tehn.postl.
- 1 x Pom.dir.za razvoj i invest.
- 1 x Komercijalna služba
- 1 x Inžinjer za nadzor nad vod.sistemima
- 3 x Članovima Komisije
- 1 x Sekretar Komisije
- 1 x a/a